


+



積雨不肯休晚麥化為萍梗想見老公祖  
憂之深也夏灾例亦須一題乎敢問

想見  
堂藏  
書

與錢司理惺復

頃質兒賴老公祖前拔以獲青其衿為若父者不  
啻滿望矣吾先師施先生祠事不肖舍之廿年而  
定議今日光生俎豆惟動門墻夫昔以我師而名  
一時者何人今以吾師而名千古者何人感激之  
極不覺滄涕此宜百頓堂階以謝而憲節輻輳車  
騎晨出而暮還不得間也又虞以穢穢累閣吏輒

勒此先布下悃執事者卜日入祠不肖尚當從都  
人士後快覩盛舉先展私悰耳期會甚繁毋煩批  
荅謹白

荅蔣侍御

法從還朝停驂下訪此何情也蓋誼薦葭莩而允  
生薜荔矣臺除頃之俄借蹇介彼淮之南江之北  
實亦吾鄉真翩翩畫繡執書來從天雲樹之思想  
見真切軍國大命爰藉澄清惟是一閹侵權羣商  
剥髓調停整頓難且萬倍吾老親家赤心白意亮  
節鴻猷必能使雲燄潛收頽綱盡振也願言殫力  
以幸主計山中人依然嬾困所慰國儲既定內釁  
全消一丘半壑無妨穩臥耳損貺敬拜佐蠟屐資  
栢院森肅不敢以長物將報額手而已率然勒謝  
詞不宣懷

公與京宦

敬啓江南橫罹水患慘奪農時積潦不消無麥無  
稻災民愁苦危急嗷嗷泡沟之狀撫臺周公祖業  
拜䟽闕下而老先生肩荷

國計民生之重素勤已饑已溺之思度有驟聞而  
深盡之矣生等伏在林莽何敢越分置喙以干  
台聽惟是敝邑號居蘇松上游水之來侶可洩而  
其幅員東北負大江而西南逼太湖中間若芙蓉  
似陽濠蠡諸湖清魚蘇舍黃郢諸蕩亡慮以十數  
實四滙之藪也夫江漲則暴湧湖溢則倒灌凡自  
昔周文襄所並湖蕩塞而為田者蓋彌望成巨浸  
矣以方蘇松畧不減雖嘉靖初遺老聚族而泣以  
為此異災絕未經見云今三吳億萬生靈垂斃之  
命全恃主計大君子閔念根本調停拯救以廣德  
意銷亂萌生等身同樗櫟心軫枌榆居鄉言鄉不  
能不為筑筑了遺祈恩廟堂丐活溝壑也不揣僭  
陳臨發惶恐

與施崦縣麟陽

自使者行後今已三四月弟每以玉體為念而不  
得一耗懸懸可知吾大兄善自調又方為嗾人造  
福天祐元吉想飲啄勝常矣先師俎豆事錢理公  
終署篆便以此為意而頗率試事四月盡乃得申

道道上之學臺則已按吾常為五月望間矣臥而  
至下旬而後得遞入學臺初若以為此良守吾所  
習聞也胡呈之遲不無疑兵尊亟傳示諸邑令邑  
令傳諸生於朝日進稟夫事有久而論定者正此  
顯也如嘉靖初應守凡五十年而俟施守來而入  
今猶其遜者耳學臺唯唯吾固幼而習聞之若龍  
城樂育稿大佳此之宜入不待深言矣發武進案  
暨覆試童生後弟以升兒倖進謁謝且為先師謝  
渠復問胡呈之遲也弟乃以情事告之吾丁酉呂

前在仕路也歸而與大行周鉉者約擬於龍城  
舊基買尺地為專祠而費大不克辦此基尋為歐  
陽守後出為先賢祠又欲於其旁附一祠而歐陽  
嫌為已地避弗許已而大行物故矣而吾亦遂有  
長兒之痛作念本大舉事反遲遲者則吾罪也學  
臺亦唯唯此為六月初五日其中申文則已於初三  
日批出矣武進諸縉紳亦以是口謁見無不為先  
師聲謝者蓋喜動門牆惟騰士庶云敢錄其批詞  
上聞錢理公業見約於入主之日來見示吾約及

武江宜三縣舊士皆已畧訂之於其日集衣冠送入祠當不出此秋孟偶敝邑尉朱父母人還因寄此諸不次

與周撫臺懷魯

口者斃一亂民而吳市帖然建威銷萌百城禔福矣憲諭通外米禁內米無非為元元謀長筭遠而敝邑馬丞乃以遵禁見告夫不禁以為上棄我而禁又以為上厲我民情之趨利而多變乃爾救荒固亡竒即有竒將安施乎士紳頗為丞扼腕敢以聞上災䟽何久不下想見老公袒盱衡而搖旌也主計者儻垂意根本或便當據揭覆請秋暑尚稽軍前一謁稍涼即走候草畧不既

與陶大司成石簣

春仲曾赴朱午臺憲副約一游西湖蓋不至此十許年矣念欲邀公涉江相與傾倒積澗而會境上諸大夫漸來物色遂鼓棹而歸耳客有言後房已得雄者不肖聞之喜以為慈白在堂含飴當極歡是天之昌仁人而又成其為孝子也有順羽幸示

以慰甘撫臺早晚得代矣施岷縣久為公所獎賞  
此自得諸口碑而資地限人上官或不必聞公一  
方山斗無惜九鼎力專精推轂倘遂獲登薦剗是  
為山城植良令日風有位亦賢士大夫家居盛德  
事也然萬勿言不肖有托重意不勝世誼爰于清  
聽臨筆瞻邇

與王憲副慎軒

憶征帆道梁溪必停橈一問寐莫此何情也獨恨  
前番翁丈以賀還蓋脉脉長往矣而飛渡不泊後

會暇斯懷聖如之何昔人每嘆林下無人以翁丈  
資地望實不難計日月待節鉞而飄然棄之邇遼  
南亭年兄亦復然何吾黨諸兄弟之勇於退也鴻  
冥鳳舉政不遜繪麟勒燕之為烈耳別來遙惟起  
吾萬福宅近名山赤如霞翁丈躡履曳杖行吟  
翠微亦曾遇異人授長生訣乎弟履心危骨不古元  
從游念之媿焉茲周大行之婿譚甥京感誦恩施  
不遠踵誼聊為寄此之子誑文戰而又食貧不識  
大行同年之為州縣者能稍振之否翁丈能為一

借鼎否惟裁幸臨筆袂去

荅高太守襄白

權璫之惡言官攻之言官之公也主上撤之主上之明也夫既已撤矣即使守土之官果護之出境亦守土之官之分也循職而行易地皆然必群起而辱之而後為快干主上之明威貽一方之慘禍所損國體官常政復不細柰之何今朝端之論不參職掌而必以雷同為賢林莽棄物不識忌諱見解如此左計中傷之說辨揭不泯不爾人各有

良心世未泯公道安得以刑餘隻詞而據以讞官常定人品其亦舛矣矧采牘具在抵牾非一縉紳父老咸能訟言之此可塗耳目襲取乎業已視事無前却得喪命也毀譽時也吾無媿於心無媿於天俟之而已承下問率呂質對惟亮在不盡

與蔡臬副梅岩

與丈別不省在何年其不相聞問意自繻弁按畿南以後便成曠絕耳追惟長安中聯鑣捧袂兩皆青髯弟今各鏡絲如銀雅不乏林下風氣不知使



君起東山建節海外作何面孔也海外亦是丈繡  
斧巡行處岷番舟渡民夷望威儀崩角帆前作何  
光景殊以為念幾謀飛數行一展積思會儋州陳  
侔允培隨牒而南睨為布岷陳吳人嘗事弟講業  
與其弟故上虞令允堅齊名廩於學官久之不遇  
抑志為此官波心天末弟勉之成行者恃丈為益  
載耳惟是其尊人封公老矣亦以此頗慰意所希  
推恩垂盼幸厚萬里裁書臨楫軫結

與陳吳縣石湖

鄉者以謁賀撫臺舟泊吳胥門猥蒙老父母臨况  
津下損貲見餉甚寵甚隆自惟不克倒屣候迎迨  
禱謝又不克奉袂暫聆玄論也至今耿耿茲不揣  
敢以民瘼聞之主計者某之先人實墳於治境之  
二十有一都頃以掃松至忽有父老百餘輩環而  
言荒瘠狀良苦謂此山中田三千畝綠禾早鮮粒  
收而長賦者報以為斲雖罄家無所抵願浔改折  
沾曠蕩恩也不肖慰而遣之有慈君在吾隔壤不  
當言未同不當言而此輩迫之愈堅至相隨不肯

舍其於是乃不泐不為言也語具在其稟揭中輒封上塵台覽竊惟畝而止三千以一邑計數殊不多老父母家視邑子視民稍為勘驗軫恤以活此四三面目遺侶亦非難事在一垂仁用愛而已率瀆清嚴容專造請不宣

公與其中丞紱亭

伏諭跡榮楓陛祗召棘庭即晉而叅秉樞衡光調鼎軸後命非遠海內顒顒望三太平矣生等辱宇下久同心慶忭倍萬恒品而竝日媿懶不克拚五日

程展謁軍前修燕雀賀瞻悚亡以喻茲不揣窳有所請施唼縣三捷者生等所受知故敝郡守龍岡先師之子也當其為孝廉時束身家檢飭而又練事茂才諳頃去為唼甫歲遙聞唼之人慈母愛之嚴父戴之以為自有唼無此良令也老公祖耳目甚遠揚激甚公度已蒙物色安所須生等言顧生等不敢忘先師則亦不敢不為唼縣地仰惟剡書報命懇望推恩一顧品題登薦彼資格固謏薄徒此便得自拔儕伍叩首信着一志竭節以報知己

而生等門墻舊士樛櫟陳人亦藉手効毛髮矣其  
為華寵與躬被之何異謹九頓奉聯牘托同門湖  
州陳憲副郵上千冒崇嚴臨楫不勝震恐之深

與王憲副玉沙

惠泉言別離愁兩色黯黯昨日事也追惟明德雅  
懷謀邀我為鴈蕩之游而逡巡未諾今衰且憊矣  
即猛然扶策往誰適為主客且此則嘆山緣之薄  
也老公祖自叅蜀藩凡數歲許始晉領右轄淹矣  
然地位既崇望實彌重斧鉞之寄近在眉捷顧不  
知吾吳百萬生靈猶得徼天之幸借衣繡來感否  
意老公祖以潤州為并州其亦未忘江以南山川  
民物也茲談龍安如錦分符西上不揣郵一牘稍  
展積濶龍安實不肖密親用任子至此官向所居  
職並克砥礪以剔弊蠹有聲蹟如天之福獲出鈐  
下度決能奉要約為徼郡良牧以無墜其家聲也  
尚希覆露使有怙恃不肖臨發不勝瞻依

與張太府岵望

曩獲於田曹一再相聞問高山之仰良愜我心乃

五馬趨信州而不肖不知以何適不克携一觴祖  
之河梁也蓋至今媿矣伏惟雄文亮節卓然為吾  
吳有數人物而又以才望守茲名郡遙想驅車問  
俗露冕行春謠頌洋洋七城一口維桑與梓實有  
榮藉偶通家子費茂才元祿以徵文至於其人還  
聊為布此茂才尊人為故太僕唐衢公不肖典浙  
試太僕甚推隆不肖也以故茂才與不肖有交云  
茂才固才子少年富撰述所為詩若文四十卷行  
世膾炙矣其榛行又凜凜用太僕遺教損田宅祠  
鵝湖四先生賴使君持議以成盛舉不勝知己之  
戴托為聲謝昔陳豫章為徐孺子設榻勝事炳千  
古此足當之乎率爾惟慈察不言盡

答吳建平

久不聞問此心懸切適得芸翰知士心已寧民情  
允協學臺既降顏推矣而道尊開薦復破格綴數  
行於下喫絮痛快其用力至矣覽之不勝喜慰十  
月間曾以振寰別駕中謔貽書撫臺因吏及公渠  
荅云吾生平御屬吏未嘗不嚴而處之未嘗不厚

揔之取其新不計其舊匿其瑕務見其瑜今吳建平可概知也觀此則其屬意於公明矣幸靜聽之然公在事須倍萬嚴密倍萬檢點戒家衆之往來慎形迹之疑似必終日欽欽常如對陣者而後可以保此終譽也輒布腹心所希采擇逼除遠荷損貺爆竹進耕飫榮施矣敬謝敬謝率爾具復不宣所懷

公與楊按臺淇園

敬啟敝邑袁學諭德顯者用舉人署者也曩老公祖以直指報命時業蒙收之薦剡一經品題久已稱師儒矣今其滿考給由例得聽袞斧為殿家切惟此諭雖未有奇節殊蹟足以震耀庠序而其性資固醇厚學術固贍博師範素優士心共嚮生輩予姓咸在游從耳而目之不啻習矣仰惟老公祖文宗教主衡鑑自定第望俯憐鄉書致身之難更念寒官砥職之不易曲垂青飾終賜陶鑄使從此籍靈梯榮樹尺寸報剪拂是古上臣造就矜憐之盛心而生輩通邑薦紳之光也士林幸甚聯牘希

恩盍知干冒臨發皇恐

與朱憲副午臺

山中閔除日則公已建節河東矣仕途誇此道仙道也而不肖又頗聞晉中大都寒瘠即食味不敢望江南百之一果爾公一切供具可且堅恐茹淡薄為此方作福耳公官尊体崇一咲擲諸下吏且為榮辱憂喜者幸以博大寬緩為政使下吏之愛上官甚於上官之護持下吏可也諸生解中式丙午丁未間在敝邑讀書不肖親與講執而兒輩與會考作文此生離家負笈埋頭苦志直真非悠悠者可及今其歸候秋戰輒令子弟所業請益門牆惟推恩破格特與評論賜以指南用為遙臆至望不肖第度瑣闥監視定當借重恐此輩亦須避嫌顧六月以前或不妨臨見點鐵成金在公鼓舞矣因風附此諸不言盡容嗣展惟亮

與王右轄玉沙

徂臘談龍安領符竹上事爰郵一棧通契濶計徹覽矣入春無何在冉朱夏遙想錦江玉壘之間藩

宣大業寫奕無西建牙秉鉞為

人主扞西南半壁真旦晚事也茲華斷事孚魯者亦不肖密親也本名家子醞藉修謹不忝雞群獨鶴此行獲奔走鈴下度

老公祖定能推恩廻盼遇以異等惟是官冗格卑臺察如雲或不皆青眼所賴 老公祖母惜齒頰普為噓潤二天可恃何蜀道難哉叠請皇恐不腆展遠悰并希命主者幸甚

荅何世兄

比者忽而聞老師上僊之耗不肖驚魂欲絕失聲而長號曰天乎吾師遽至此乎前是維揚呂逸人者呂老師書來不肖敬問起居亡恙逸人為言老師神甚王肌甚固少壯人不及也問諸公大奇斑斑擅文藻美稭譽不減河東三鳳不肖南嚮手額吾師百歲其遂見三鳳一日而儀於廷哉秋榜四馳亟物色中州賢書缺然不無遺珠棄璧之恨久之乃有告山頽木壞者矣吁嗟老師身為帝者師不克究厥施於爰立而林泉之日月又不

躋於上壽岳降星孕其何為耶門墻舊士絮炙多  
時千里關河逡巡未發而吾二哥遠使相辱曰是  
惟先君子遺意未言恩義能無痛心感動而已嗟  
嗟吾師已矣不可復往矣流覽所惠二刻本末純  
備經緯具足真吾師為不亡而大復先生代興也  
區區之愚猶願一意本業允踵大科而後肆力於  
古文詞可乎以慰吾師幽遐而順適吾師母太夫  
人晚暮無大此耳若家庭門戶非意不情之來斯  
其細小然適足以為吾繕性練材之助也何如損  
貺謹拜稽手不腆以謝遺體良重慎愛千萬容專  
上不次

荅邊憲副南亭

頃者老公祖自霸上移鎮檀新城所部益薄邊位  
望亦益重先聲制虜長策殿邦安肩背以安腹心  
恃力不細小頃日月立起勲名晉而秉節鉞開大  
府直著睫間事耳益宣府中丞之自薊門遷而亦  
實自吾江左遷也有成例矣矧昔淹今利非猷官  
評良亦天道然乎不肖第恨隔二天幸專一壑布



帆蠟展詩卷棋枰儘容送老所念把臂何年譚心  
何地與言惆悵遠承芳訊載拜損貺便堪持付酒  
家召村老對籬菊擘蟹行鷓為懽樂休官人不妨  
頻醉也何如謹因使者聲謝并寓不腆展積愆所  
希垂察軍城早寒折衝心勞惟慎愛

荅陳太府

鄉者不肖墮風波中而門下指天日為雪之知己  
之感與歲俱深矣門下用望卽守畿郡而忽亦有  
齟齬者不問而知以才名遭忌命也然南移而滄  
海邦雄鎮屹然卽朝有公道可知計樓船當過梁  
溪每與周孝廉引領福星計得遮謁而仙帆夜渡  
關門紫氣瞻望空勞我情如何承損訊伏拜明貺  
仰見至懷不相遺棄使人銘感使行甚遽率然布  
復俟徐樂清之官當專啟寓候猝不宣盡

荅胡少府

公自師席領郡符為遠於春明矣扶馮雄鎮  
國家所倚為右臂者而又當積侵之餘拊循勞來  
上所以托重恃力實於公乎在公用文學飾吏治

政成譽起晉而耀卽署肩弘鉅勲名何可量政須  
努力此一番耳不肖孤根朽株為

聖朝棄物公安所得長咨之言誤相响沫雖然吾  
鄉好山水不肖頗健飯善酒布帆蠟屐徜徉其間  
以閱世送老何不可也吾終不以此易彼矣尊公  
還辱貽書審訊且割月俸佐我游資公離廣文亡  
何輒此厚損使人慙感因風寓空牘聲謝殊不宜  
盡臨筆神太

答王宜興咸所

荆溪梁溪相望百里而遙而不肖惰也尚未克一  
謁堂皇修起居之恭耿耿而已側聞慈君為政鯁  
鯁民瘼不難履畝而丈為元元謀萬年之安暑雨  
秋霜躬行阡陌良亦勞只窮閭歌德隣壤嚮風殆  
有以也辱以逼除割資錢佐枿觴春風天來滿門  
鼓舞謹對使者下拜且額手謝摠趨有待九頓為  
期

荅趙常熟太室

拱讀二賦雲霞珠玉錯落震駭子虛上林不得猷

步漢庭矣若乃深心極思惟往哲是型惟民恫是  
惜此尤風人之絕調而作者之本指也詎惟稱大  
夫才而已哉權輿一割老父母精神政術實在此  
書何言海虞雖以拊循字內可也拜教之辱惟有  
嘆服并謝不次

公啓樊二府

昨諸生中有傳老公祖台旨以謂趙父母管徵廿  
六七兩年南項錢糧分數絕少今甄別在邇例得  
叅處者不肖輩竊見趙父母在事於國賦未嘗一

日弁髦祗緣年來旱澇多有或其調停於南北輕  
重緩急之間儘力全完北項而過寬於南項呂少  
蘇民力耳而今春澇災益又甚是兩年者實奉撫  
臺明文停徵故其遷而公也脫然無後虞即不意  
以累老公祖持籍握算而無以應也夫急公大義  
也催科首務也部院按數而責逋按例而科罰者  
促嚴切自其政體惟是趙父母以老公祖為天而  
百姓且曰老公祖為命今日之事亦惟老公祖為  
政不能無望於鼎力一擔當者所懇曲意包荒婉

文置對一面不妨摘催以塞上指庶當事者有所  
藉手定從寬假而賢令保其終譽元元慰其去思  
謳德誦義曷有窮已不肖輩不勝區區敢以父老  
子弟皇皇之意請

公啟梁理刑

謹啟敝邑尉許父母智生等耳而目之凡二年於  
茲矣兢兢守其職不有纖芥之過生等甚愛重之  
頃蒙齎臺責戒聞所替過在多支朝覲公費及射  
減火夫工食夫覲費有無多支非生等所知竊意  
庫金銖兩並有主者尉故辭事安敢越例而索也  
即索誰其與之若火夫工食頗有說工食原取諸  
門稅門稅向效冒免尉一切清出是其能也乃冒  
免家無所匿弊益相換不肖輸稅而工食遂不獲  
以時給火夫與冒免家交怨而謫行矣尉其何辜  
乎然此已事也江臺旦暮且按臨已破之甑將無  
再辱夫邑有良尉而使為法受惡又庭辱無已非  
尉之耻而生等薦紳之恥也仰惟老公祖至明至  
仁靡所不覆露生等乃敢以合城父老之意力為

請命所望矜憐昭雪由許自新尉幸甚生等幸甚  
有如尉果得罪於民者齷臺之惡猶吾惡也而生  
等以私庇之其若公論何願言博咨特垂清聽率  
瀆不次

### 與邊南亭

客龜荷芳訊倉卒聲謝薊門三千里恨不克奮羽  
立階祀効翹居之恭耳江鄉借餘春棠陰貫然士  
人賡衮衣稚子拭竹馬吾君何當下五雲擁節鉞  
來乎益咨咨謳慕之焉曠稅遽反汗廟堂能回天

石老公祖守在尺五何日為畿民計茲寶坻汪尉  
國賓者弟佐銓時筆史也弟得告又嘗護弟還里  
門頃聞日承奉稅璫為直指所督過嗟嗟此輩聲  
勢熏灼不啻虎狼而責小吏獄獄折其角乎磨以  
筵撞鐘亦何幸之有矧此似出萋菲非實有是事  
者伏惟老公祖憐才恤小如天之覆尉業不勝頂  
戴惟是直指且報命假令送部考用一字小劣墮  
王國坑矣屋之烏梁之蟻敢望推恩保持予以優  
考卒茲浮圖弟良亦有榮籍乎哉謹因筠塘恤部

郵上片牘千萬畝意臨文皇恐袒餘瞻戀

答陳大司農老師

歲中得老師書長跼捧讀恩義淌楮竊惟門生不肖以老師當國而不幸早廢不獲奉塵綴武以觀勲業之盛此門生之不幸也惟老師經綸大手何所不運量而猷丁此不可為之時而莅此不可為之官似亦老師之不逢也頃者有報有緣開例言者門生不曰恚而以喜吾師用此弛擔榮矣俄而諭旨罷礦稅留兩大臣門生愈益喜吾師用此終

事 上又榮矣乃寬政遽反汗部疏三諍不報而老師尚亦堅臥門生於是且恚且喜恚者嘆回天之難而喜者喜吾師猶及用此弛擔而榮也夫礦稅之禍易見也而釀之在

主上邊餉不時發苟旦夕無禍耳而責乃在主計門生故謂弛擔榮也老師憂國而忘其身門生憂天而忘老師爰輸瀝肝膽以進所希矜其忠而恕其狂幸幸䟽刻委序敢不唯命俟黽劬執役呈政清源潯陽二關皆隆遣而皆以屬門生舊游非推

孫守作集 卷之六  
師恩易克臻此願此二子並克自樹立知不負推  
擇也并望始終造就唯門生亦有榮籍乎手勒不  
具陳

又

誦手諭仰見老師無一日不思起溝中瘠而青黃  
之也願彼虎視者不耽耽乎愛我哉其中沮者耶  
然以門生之不肖而廟堂猶過聽老師而毋忘門  
生也門生之榮榮於青黃矣謹百頓首以謝

與堵江山太中

丈令巖邑歲滿而政成英聲流聞蔚乎茂矣上不  
能廢臺諫不置安能按徵書使不時下丈之用充  
異哀然舉賢良首驛而召也其在眉睫間哉弟不  
肖托在唯故跂而俟之以為吾林莽光茲縣父母  
許尉智被逐歸閩道出江頭敢寓一牘往尉兢兢  
其官不私人一錢而不幸中讒去傷哉貧也至不  
能挈妻子吾儕縉紳稍佐之費始克成行關路迢  
迢既阻且艱如天之福可以干澤丈仁人也以業  
梓之故給少夫與之出境不令立僵道傍不俟第

言之畢矣率此惟憐察萬萬不它及

與劉兵部楚磐

往吾劉氏外表以里閨一穉兒而親家降貴而飲  
食之又破戒例給劄使執以梯榮地所以為不肖  
推恩踰其分矣而吾劉氏甥家報歸數言親家禮  
遇之殊等即頃者援納遭駁至盡力為分明以漸  
有挽回不肖聞而感頌可知也而會徐氏鼎祚亦  
太而游太學乃敢奉數行謙德意遂令藉手長者  
之子資稟素開敏不至溺統袴習而以孤童久奪

志家累鮮專一之効茲游似銳然將有所肆力親  
家稅林指南也無惜提其耳何如兵食調停犁然  
后晝日奉教乃知事雖紛絲殺亂靡旣不可定而  
異日艱鉅之貽必有屬國家無憂乏才矣并不次  
荅費太學

鉛錫相望千里而遙風馬牛不相及也公子徒以  
莆田鄭初知菰蘆中有不肖又因吾吳博士習不  
肖里閨間事過而辱損書請所為不朽其母夫人  
者公子孝浮於刻木而義篤於命駕矣不肖旣受



孫宗伯集卷之六  
命退而流覽諸刻集連璧大珠光采陸離紛不可  
摸擬不肖惟不能定公子文竊念公子年少耳乃  
其撰著業哀然滿家有如一日致身青雲續戎繩  
武絲綸世業於是乎在不肖庶幾從林莽間睹之  
所委屬窘他役倉卒未能俟杪秋當勅為立傳付  
博士所使以時郵寄不煩再使也聞尊公棲東山  
甚怡悅不肖用職事嘗奉教武林瞻慕至今希為  
道拳拳函貺敬拜不腆藉手侑報牘何當覲光儀  
朝采暮雲行勞夢思矣

荅張明府

西蜀徵殿材連歲不得休頃因軍興甫平耳此之  
為難視他省亡慮百倍而丈屈為縣無一事不煩  
擘畫懸知誠與才合調停劑量綽有妙用慶民沐  
浴膏澤中人歌戶祝可以想見比及書宦褒命且  
下 朝廷惟疆圉是虞決不當負勞臣也不肖  
位過其望歸來家山與鄉里衣冠嘯傲烟霞間儘  
足自愉快尚安得復作春明舊夢誦手翰長者之  
言也慙感而已楊憲副得數相聞否神明茂宰何

上官不愛重而須根柢為遠貺敬拜土種各種以  
志德意四幣非所敢承也惟亮在率然附謙詞不  
宣懷

荅楊侍御意白

不肖居則惟此一時也利臣四馳山童澤涸宇內  
怨聲若沸而猶俛首帖尾無敢遽動者直指之使  
提綱飭紀建威銷萌有所自彈壓於上也雖然長  
此安窮不虞一朝土裂不乎公今三巡矣得代且當  
還臺 天聽甚高何自挽回更彼絃轍不肖業

絕意人間世甘老田間惟是匡王定國開弘濟之  
業吾知已能為之不啻吾身為之也公其努力霜  
函遠墜想見懷人之切飡錢分餉毋乃太損便堪  
買山何論置酒敬謝謝謝輜車道錫青林一顧能如  
約乎望之望之

荅高秉白戶曹

公為關業已得代商民口碑翔播四遠山中聞之  
慰喜可知公還

朝且縮篆正即位領劇司方今筦庫如磬懸邊人

待哺以日為歲詎不至危急而當事者過而求宿  
逋不已椎骨及髓邦本獨不當念耶公今之賢者  
也卓識深慮籌之熟矣國與民之間願言調劑以  
幸蒼赤北征尚暑慎葆為期

荅楊侍御意白

公還臺後微聞繡斧且按中州矣忽而見按遼之  
命遼自征倭困微發光景凋敝定非曩昔比而益  
以採權惟恐其不盡更山歛嘯聚幾成大孽非公  
調停彈壓扞此疆圉不因而為虜者幾希舊臺事

何久不成勘此又一難題也雖然以呈公至平之  
心處之何所不可耳使來自東方逖哉勞人所損  
貺敬拜以奉宿客對使額手謝以法臺清嚴即一  
縷不敢將報也公亮在籌邊勞苦為祝慎愛

荅劉侍御在田

林中入竊見山澤多隱淪而又聞宮掖多隱憂入  
而諷諭出而消弭以為

國家奠萬年之安政臺省事也公其盡力不肖慵  
心傲骨自茲 恩放亦惟是社榆壠壽以娛晚

暮公入都無何遽而書及之且佐以損貺誦公之  
詩把公之觴坐上客滿尊中不空夫復何求哉謹  
額手謝因風布狀惟公慈亮

又荅劉在田

公性薄浮榮學臻空有此是山中十年大領悟所  
名大知識者然而拔薤鋤莠以沃善根植危蘇困  
以培善果住世度世愈益大功德政不必枯守蒲  
團為清涼福地也不肖欲界安身囂塵滿目誇文  
之障酒肉之緣種種業案獨以春明舊路夢斷心  
灰除却煩惱轉生歡喜聊足供知己一咲耳公其  
謂我何法署清嚴書貺耳辱恍若把臂傾鬱輒茲  
耳寓空牘以謝公幸察

荅金計曹我平

清源分署故是好差遣今中使橫攫人行旅絕希  
道路以目益昔人有其利而公當其病昔人享其  
易而公遭其難民之脂膏國之血脉有大可憂者  
至而鬱悒不自怡傳所稱桐鐸乃身非耶願勞臣  
智士長算遠慮徃徃不在彼而在此斯其說在易

之損不得顧身名而為一肩負也寒天異域勉旃  
加食

答陳中丞毓台

初明公仗節鉞鎮滇不無虞緬也今帖席臥矣即  
驅緬不無虞餉今所露積矣天下見數年來滇之  
無事也以為明公拮据卒瘁大有造於滇而不肖  
臣謂何啻滇也益大有造于天下夫倭自外瑕者  
也疇與播則內釁也當局者舉事一不當而疲海  
內之兵力而始就平帑截悉空賦歛益急池魚林  
木所從來矣明公不愛其精神謀略以策滇不恤  
訛讒以扞滇而其福澤至被區宇勲伐著

社稷古大臣實心為

國家固如此雖十年不

入 朝不肖竊見先朝周楊兩文襄項襄教諸  
名公皆暴露行間勞苦而功高久乃晉秉樞筦登  
相位今日上所以用明公與明公所以報

上正不在外內淹驟間也何如遠書從天蘿薛改  
色禽魚美影損貺下拜佐賓客資歸鴻取報迫倉  
皇寓空棧日譟一日明公奉驛召入

朝旌旄道我梁溪不肖遮謁軍前九頓矣

荅堵大令太冲

弟廢棄之餘甘老丘壑絕不作春明舊夢而頃李  
通政者辯疏中復蒙波及夫鴻飛冥冥弋人猶慕  
之耶世棄君平政不知君平亦已棄世矣丈綰綬  
六年飲冰一日循良之績直與江郎三石同其崔  
嵬雖然百尺竿頭尤望殫力以需內召星變示異  
其占叵測而家鄉四月不雨二麥未芽米價頓騰  
盜賊多有兼之催科猛於火貧富交困官民俱病  
不審來春景象文當何若辱損書貺率譏湯及不  
覺縷綫積愆容特展臨楮增懷

荅杜臬副見田

不肖居則惟國家不惜百萬兵力以救朝鮮而朝  
鮮率賴以存也顧此一役也行間徼外為居中而  
制勝者吾相知中凡三人焉比於三傑矣然岷麓  
以身殉滄嶼以官殉而公獨收完勅晉崇秩身名  
俱榮 主上尊寵之若金湯然士立功名詎不  
以時哉薊門度可二年烽燧不驚羽書閒閒鞏肩

背以鞶腹心攘外安內功在  
廟社意節鉞又  
旦夕畀矣不肖被放久業絕意人間世恃公等在  
事建威銷萌培太平之基林中人穩卧烟霞豈不  
沾沾遠使垂訊深悉存注食錢分餉母乃太損下  
拜知感五雲極目占謙心飛

荅章湖口繼楓

公初上即不肖為中使屈稍以相忤便颺然欲解  
印去士民挽留上官啟諭而猶未出也茲辱翰示  
承已勉出公品高格古又大賢之後士大夫所心

重初政有此舉動風節凜凜自今第加一段耐煩  
工夫遇事掣肘處畧可調停劑量無必以去為高  
也蓋公之意不可無而去之言不可恒有恒且公  
為言慮猾胥奸民窺見意指或相緣為弊以玩我  
又或相構為釁以激我而我墮其彀志未必行而  
身罹其累矣公無欲人也無欲自能燭奸自能遠  
累為四封赤子响沫一番而數言歸乎不揣獻其  
愚忠不審高明以為何如率復不次

荅范方伯晞陽

孫宗伯集 卷之六  
伏自通籍以來而吾兩人者盍簪聯袂不四三指  
屈也同業梓又同游曲江詎鮮宿緣而曠焉若參  
辰乎念之悵然芸翰從天啟函迴環讀恍疑輶面  
追惟曩者幸與曙臺年兄共事恨不獲一日而登  
翁丈九列以表儀都人士其後事多所掣肘而弟  
亦荷 恩放是天猶未欲顯暴直儒之用於世  
耶嘉快三種學術世風醒迷救溺謹拜明教賦刻  
遂揜楊馬何得擅此寧馨艷慕不可言敢問阿翁  
仲固兼才游戲而為之柰何不令專一本業而分  
心馳騫為也猥恃世講言布朴愚不知其陋臨筆  
瞻遡

荅尹中丞春寰

頃弟所舉士袁叅知之南因寓一牘往益別不四  
三日而翰使從天下矣良用浣慰惟浙地大物豐  
蠱蝕其間而邇時中使驛騷虎而翼蚕而食推剝  
滋甚節鉞大府所左提右挈以填撫元元亦惟此  
郡邑吏耳假令吏治循襲巧者規厚利強者博名  
高元氣益削大命且蹙雖有能者其胡以救之翁



夫不勝憤積方下車極力澄清風猷所樹百城凜  
凜奉法爭自板濯以避嚴譴吳越首藩百萬生靈  
實恃有寧宇口碑流傳無論衿紳氓庶如出一辭  
第山林人聞之絕真非苟為諛也願竟鴻烈以須  
樞衡之召率謝并祝崇護為期

荅顧大令

歲且逼除忽得函翰啓而誦之言言皆肝鬲也比  
於促膝矣以公其才實能用文學飭吏治者甲第  
人徒有其表耳令伸紙奮直筆含英吐華如公幾人

哉嫉而讒固宜然而居才大難遇此輩人尤難彼  
自不能而吾示之能彼以吾為有心炫之也則難  
吾能而示之不能彼以吾為有心避之也則難無  
獨大篇高詠即一牘一文者為人激賞俗吏側目  
矣雖然孟言之矣至誠而不動者未之有也吾不  
期於耀采不期於剗采物來無窮吾第以真實心  
應之有所見解吾不能縮舌有所施設吾不能縮  
手期於盡吾所當為者而止吾不知其甲第少年  
人也非甲第少年人也期於盡吾禮而止久之定

相孚信相倚籍昔之嫉而讒者轉而愛以譽矣何  
如率謝并布愚忠不悉

荅劉憲副應沙

唐人詩云日晚江南望江北寒鴉飛盡水悠悠情  
人景物千古一日矣不肖長伏丘壑往往作濠濮  
間想睠言知己實奉

璽書巡行其上而不克攝野人衣冠望法臺親末  
光雲天莽蒼江流限之我勞如何歲聿云暮忽此  
芳訊遙惟建節使君弭盜行河救荒問疾驅馳良

苦雖

國家腹心之患陵園根木之憂賴以銷

萌因之鞏固然而風雨霜露之瘁其形机牙窾會  
之煩其心玉体來瘡頭須為白固其理也幸已太  
康率譏并復臨筆心馳

荅屠禮部赤水

別來忽復六七年倍子守一丘不能躡一兩屐  
訪諸名勝因求先生於烟霞竹筴之間追惟少年  
時通籍定交相驩若兄弟今便如隔世那得不相  
思曩上人得手書數行不啻雨花從空中下者誦

之知道旆將從廣陵渡江道梁溪幸一會弟而以  
阻冰却度海東還也何緣之慳一聚首而造物限  
之悵望如何上人歸附此奉復容嗣布

與王憲副慎軒

舟中復別裘葛屢更山林人望西南天法星熒熒  
焉知鴻名駿伐劍閣齊高矣周百里幸而晚成不  
負大知己憐才至心也乃弟不獨以其成名喜而  
尤以其官使局喜此意想吾二人同之茲新寧吳  
簿本慈亦晉陵人郡幕遷此官其才識暢朗似不  
肯為俗吏者惟是蜀道大山難卑栖可念所希推恩  
覆露使有所恃且効奔走幸甚臨風落墨詞不宣  
懷

荅朱學憲金岳

吳胥分袂倏踰兩朞額外別一天提衡馳校良苦  
追惟公守蘇則數病蘇士不飭又徃徃甚常熟士  
比竟以敗具如公所虞縣官至勒停一科試守亦  
解職去綸已烈矣雖然令公在事士安瑕而噪即  
噪片言折其角可也度不至决裂以此則嘆鄉者

民變不三日大定市不易務官不易常賴公救寧  
力耳民變而後徵公得民之深士噪而後并徵公  
遇士之善彼其士民謳思之回視別時轉薦厥有  
以也損貺暨二錄函自萬里下拜知感媿靡所報  
臨楮心飛

荅楊督學意白

語有之經師易耳人師難也公祖以簡重質朴跋  
跋如書生時所稱人師不虛耳已覽所頒學政一  
切崇尚本實屏黜浮薄若乃歲課月程真循循之

誘哉士習自海虞一處分後漸似檢柙大都愛士  
自盛德事愛而曲護其短以釀成其驕橫亦當事  
者過也公祖第以公心平心提衡其上何束濕弛  
銜之虞乎願無深念屬者津頭一晤至勤車騎入  
城鄙心方跼躄公祖猶媿媿言之是使我重不寧  
也媿媿率謙弁復俟法從還田都當嗣上不次

荅趙司理如城

理官守三尺未有八年淹者有之自公始而晉留  
省叅戎樞 主恩不薄矣書來德意何獨勤廻

孫宗伯集 卷之六  
環把誦憂天憫人言言激烈雖然此海內一大劫  
數也度伊周大聖賢另自有一段格心學術

高皇帝功德無古威靈在天當不使金甌瓦解不  
肖已矣補衮弘濟行賴公等林中人其藉手穩烟  
霞卧矣損貺下拜空楫寓謝詞不宣懷

答耿常熟藍陽

鐵笛子開口便竒崛皆千古詩人文人所不經道  
者使星斗亂墜神鬼號哭矣至與革一刻求瘼剔  
蠹抑又何詳密委宛自結於民之深也彼海虞一  
彈丸何幸士得仙令為弦歌民得神君為蓋載乎  
春湖水生當棹小刀叩堂皇顏色不宣

荅陶大司成石簣

公謝雍席之召而安板輿之娛潛龍翔鳳海內想  
其聲光慕其丰采真不媿居東山之鄉者即一日  
起而霖雨九垓羽儀百辟林中人分華割榮其未  
有量也長兒雅為公所許可而不幸舍我去是惟  
不肖儉於德豐於孽以及於是嗟乎已矣温翰遠  
唁讀之老淚如迸泉轉增悲感雖然不敢不奉慰

勃強自排遣也台蕩久已意往一番摧傷興便索  
然儻羸博成封濟勝不乏終圖畢此山緣并踐芳  
約耳雪涕占謝詞不宣心

荅葉臺山相公

日者舊輔新叅一時並命朝野鼓舞想望太平矣  
而老先生尤所稱明公獨妙年者龍象之精神宇  
宙內事何所不擔負黃閣三十年清風億萬古敢  
為舍人誦之早已牘一箋謀遣次兒効燕雀賀而  
會厥子中豆逡巡不泐發乃周季君歸自白門則  
儼然以函翰來矣登樞而問布衣古名相躬此盛  
節者幾人良用榮感方今時勢士大夫所責成相  
臣甚苛而相臣所以補拾劑量亦甚苦願

上明主也亦副主也爭之煩見謂收譽爭之切見  
謂沽直何益成敗

上在位久於公卿臺諫多所獻薄而於政地恩數  
獨隆重尚不廢累朝之遺焉有如諸老聯翩入朝  
以至誠懇惻之意力請召對幸而垂許盟心造膝  
同詞合陳 聖衷其必有感悟也決壅政撤利

臣格

天勲業定在此行林中人拭目觀其盛焉幣貺集刻俱下拜訖北嚮占謝極目五雲

與朱宮諭蘭嶠

留都閣下業梓地也而以官秩領翰篆蓋無一日不畫繡哉梁溪相望不十舍而逝而不肖屏林莽又病苦因仍不克奉尺一問木天故人耿耿可知已頃彭上林傳示東使一刻而余大司成亦以雅游編見貺珠搖玉映不啻窺見作者一班矣白雲

自怡高山在仰所希崇鑒神與書馳

荅曾烏程園若

客自茗城來者具言榮上席未暖而巡行阡陌弔災問疾苦即古所稱已飢已溺不劬於此矣且其勸賑也歌以歡而不以威慈君作用略見一班即返視為豐何難乎枉墜箋翰青鼠筐籠敢不下拜謹額手謝董氏婿猥托二天光庇百口范氏諸世講亦津津誦息斯惟屋上烏終為環下雀耳竝為志感不次

荅王計部華崗

日丈所托王鴻臚寄弟書把誦知感華崧兄不得  
意於其身而得意於其子固當吾兩人溢一第矣  
而喫虧受枉處政自不少有如兩家子不若沈家  
子者不妨引例問彼蒼何意也一啖遙聞燕齊大  
水而吾鄉願旱旱而久使君數飛檄督吳浦詎乏  
香火情乎所諭謹唯命病脾守艾火推枕復此殊  
不盡丈慈亮

與紀明府

頃王茂才從禮來訪山中始知明府隨牒令蕭石  
福星熒熒瞻慕可知茂才益不肖乙酉浙闈所嘗  
校定者僥上榜而忍愛割捨意其後科必峻發而  
竟墮落遲局也才士之厄我實貽之願其志貧而  
堅伏櫪而不倦千里門下倘肯推恩迴盼造就此  
老門生使與少年爭驅不肖實藉手塞咎幸甚聞  
其子童子嗣登弱劔亦有文亦不無望門下之拔  
而一之也瀆請不次

荅劉兵憲應沙



鄉者王鴻臚還得報牘公自言所繇廢侶本之錢  
轉運為崇者而其實不然也轉運為人踈而輕脫  
口語不檢點則有之若夫深梳密械陰為竄以構  
人决無此伎倆也頗聞有它僚嘗借轉運名揭公  
於中丞中丞一日問焉而轉運駭馬遂置不談公  
所疑殆是類乎恣之已事只宜付之東流耳林居  
亦是有一段樂處公達人也想極夷曠極瀟灑不  
肖過來人也敢且此勞苦書到恍若暫回何當促  
膝一傾爵積臨筆耿切

荅張兵憲雲臺

自榮上後而翰使再辱不啻兩番晤對矣慰慰江  
盜之有窩此本論也犄角耳目務潛其窟甚善願  
聞諸道路以盜之魁踞海外一山離內地可四三  
日程者不審果然否厚下安集以建威而銷萌是  
在公等耳頃見邸報上霽然詔罷礦而又不惜以  
稅之半佐將作則其盡罷也定亦有日

英主舉動畢竟非臣庶所能窺

聖德頽光太平有象林中人鼓舞呼

萬歲詎在山岷途旅後乎維揚自昔稱繁華地乃  
瓊苞簫月久已婁迷矣多謝至意茲興恐未易發  
也因風寓譔臨筆神往

與朱大司成平涵

客歲使者還潯中曾辱以手書來謂非我治諸生  
而諸生治我耳讀之不覺絕倒夫惟諸生治我者  
而後成其為我治諸生也道豈遠乎哉教豈異乎  
哉茲邑子吳桂薦黃道弘並名家子也奉例趨館  
下卒業不肯實忝周親不敢不以一牘為根抵惟  
門下推恩流盼特垂造就幸幸率爾不次

與胡太守鏡陽

昨陳允部自武林來却言吾姚江師即且用播功  
駕而北候新除輦下也不肖不覺色喜以謂此誠  
貞士勞臣展采揚聲之秋也顧徐而不能無疑凡  
敘功而得輦下候命者必其非自免而後可其自  
免者非即家拜不得起也不然則其奉部劄散促  
詣闕者也不審此一敘公亦接有部劄中亦載有  
詣闕文字否出處大矣昔以棄履今以彈劾若不

得一劄藉手者幸毋輕出冒小炒之嫌為少年所  
窺金石之交不敢不獻其愚以質於執事者惟高  
明財幸因風寄此不次

荅林太守丹山

立秋日得丈書時暑政劇發函讀之所謂獎借弟  
與期許弟者甚過當弟不勝媿益之汗矣巴展鯉  
湖周子羣峰落翠九添奔流颯然滿堂生寒若身  
到僊都從知己坐幽石看飛瀑大快意敢不拜賜  
奉為世寶

國有大慶恩詔壘頌山澤搜英

旌招士此宜首及建白註誤兩項人其次乃在負  
大才抱大屈而不幸挂計籍者則破格收焉夫其  
一人也弟具既薄分既踰於吾生溢矣他非所聞  
一花卉周子吳友筆也不足當大方雄染并繡達  
麼一幅聊以為報惟命之主記臨風勒謝詞不宣  
心

荅諸醴陵留方

不肖之以南宮捷急公等殆有甚於公等之自為  
急也雖然士亦在所自樹耳有如仕而為德於一

方使其民尸而祝之勲名亦何可限量醴陵之行  
願無自菲薄清慎勤司民社者三字符也賤辰何  
足煩記憶而公於捧檄倥偬間猶割修脯之餘相  
問遺敢不効拜用佐湯餠光樽俎乃幣貺則非所  
宜濫也惟亮亮率謝并復詞不宣懷

荅楊中丞滄嶼

翰使忽至亟啓亟疾讀媿媿數百言迴環繹之悃  
款甚密叙致甚真不啻連床接席把臂而披腹也  
慰浣亡以喻竊惟公提戈異域墨縑從戎此

國家所未有之役而親督將士躬冒矢石幾生繫  
兩倭酋致之 闕下此臣子所未有之伐乃天

不欲馱禍淫雨為祟人不欲成美諛口為殃進以  
為退功以為罪嗟乎冤矣中山之篋何必樂羊然  
哉林居閱邸報 上業深雪公且拊髀思公而

頃者九邊方脊脊多故微公誰可急使者即家畀  
節鉞為疆場扞為 社稷衛斯其時也語不云

乎失之東隅收之桑榆開虎門繪麟閣勲業炳炳  
照寰宇無復嘆髀裏肉生矣惟是不肖夢斷木天

心安草野而衣臘乃不幸天吾長兒生而劬於書  
自經史外往往從異縣搜異書繕寫繙閱參互考  
訂頗博洽舉子業亦頗雅正而一疾頓不起是不  
肖積有釁孽而神降之罰也天平長者如此少者  
更何望已矣百感俱集百念俱灰摧楚正新敢具  
以聞大貺以幣將又以參餌參固病子所急需者  
諸兒胡亦挂公胸次承亦遣惠使布楮墨公獨高  
於世誼也遂率之西望九頓謝聊展不腆以侑報  
牘非所為稱惟澄鑒幸幸情長紙短未悉所懷

與吳學士復所

不肖以虛薄濫殊遇積有歲年自惟林卧善病几  
起居都闕如即大禮亦墮廢而公顧不惜枉車騎  
賁我羅雀之巷榮感可知已遙聞旌旄北指光華  
載途親知間歌驪折柳極衣冠餞送之盛而不肖  
方在繁憂中惆悵不前謹遣一介泥首津亭齋獻  
不腆聊傳於行必以贐之義惟是儼然麾頓為幸  
聖度容言袞闕待補伏蒲焚艸想聞風議雖然論  
事持大體不目細苛論人觀大節不以微暖斯老

成所以主國是而迂腐所以贈知己也公其謂然  
否率爾不一一

答孫大司馬月峰

林中見邸報知翁丈以定亂事為言者所波既以  
嘆大臣任事之難而中旨勅畱甚溫倚毗甚  
切又以嘆

明主任賢之薦然而恨道遠不克相與把臂一詢  
事理始末惟有耿耿第近况盖強自排遣改面對  
人耳豈其慕曠達而忘苦楚屢辱垂慰悲感而已  
率謝不次

荅華商立本素

鄭非彈丸宋盖巖邑當事者為萌庶借才英聲四  
馳矣管內向困河患繼以秋霖慮妨穡事約已飭  
吏簡訟緩刑以一身救百姓度茂宰饒為之願言  
努力高少師諸刺史不易致茲獲睹其大全大快  
事也沈少保社約大學八條目似都在此書吾輩  
之社於鄉而止於嚼酒噉飯而已讀此媿矣媿矣  
倘更有別刻毋論誰所撰不惜續惠是惟隴蜀之

望倉卒占謝詞不宣盡

荅施嶮縣

不肖自以年衰矣足力尚堪濟勝不以此時了名山緣更何待因以視次見為名累糧蠟屐直交白門遵江問奇登樓禮佛值賤生則於牛首峰頭一麵自壽蓋生平大快事也凡半月餘而歸見使者得書如見大兄情事彌暢矣不肖慰浣可知聊此占渡臨筆袂馳

荅周撫院懷魯

松陵津頭晤對還而台承奉芝牘埃我乎衡門矣伏惟牙纛移鎮真不啻天迴地轉吳氓戴香扶杖攀擁呼號聲震門關不肖從旁耳而目之竊以為大府崇嚴體貌隔絕非誠心闔澤下撤骨髓胡以來赤子之慕若斯之深也即令忌者睹茲景略亦當動心咋舌詫其希有悔其失言以方彼超拜登朝而問閭了不相關者榮華不倍萬乎哉敢侈盛事以慰苦心食錢割貺下拜慙汗倉皇布謝臨筆神往

荅葉相公臺山

綸扉巖巖麗在霄凜老先生猶母忘林莽棄物因  
張孝廉以書來某離席再拜啓函捧誦遙禩師言  
儼然袞舄矣榮幸無比竊惟老先生精忠亮節獨  
秉政幾當此之時上病於壅闕下病於輻輳而苦  
心極慮一切代言批荅傳布海宇亦惟是堅持國  
是力為振刷蓋 社稷倚為磐石而簪紳望若  
砥柱乂之亦委心而聽元老亦造膝而謨格

天回天相業光莖十未有量也某不肖辟於敗轅之  
犢涸轍之鮒已矣不復作春明夢矣昔人有言舉  
世有一人知我我可以不恨夫以某之無用於世  
而相師嘗有意青苗之太宰公又齒牙及焉是兩  
也廟堂之上有兩大知己衰年病骨雖終老丘壑  
何恨之有敢仍因孝廉以手牘報謝感激之私瞻  
依之悃殊不宣盡仰希台慈崇鑒吐握之身葆護  
為期

荅陳礪雲戶部

午之冬而有亡兒之事其明年冬而有孽奴之事



年衰運退咎積釁深以及於此命也乃今弱體亦  
竟病矣病得之瀉瀉五日而肌肉頓脫精神漸銷  
冉冉業六閱月雖食飲不太減而瘦損良自憐不  
審尚得還昔健否也稍可喜者兩孤孫皆已業文  
而大者儘已明習間有勁節或天之閔逝者而不  
墜其後耳門墻雅故想亦樂聞之為破顏焉力疾  
不盡

荅陳侍御中湛

西臺風紀獲藉緇維入而簪筆出而持斧重矣而  
門下猶眷焉興懷踰三千里問林中人眠食亡恙  
不肖又自嘆衰年祚薄形神銷滅已矣不復作春  
明夢矣孰其推轂而望彈劾乎區區之私第顧大  
知己以赤忠回主心以正論扶國是挾疑通  
壅安危定傾使朝有太和之風而野有太平  
之樂斯之盛烈則不肖翹首跂足而望者也嗚錢  
割貺下拜慙感空楫附謙詞不宣盡

荅吳兵馬文石

久不獲晤對有懷縷縷鬱陶不可言茲病中忽得

翰示承甸城新例之擢而後喜可知也此例隆慶  
間新鄭相國曾一行之今太宰前柄銓不肖佐之  
亦嘗與光祿署正同一題摠之多繇言官建言覆  
有 俞旨乃選擇而使殆以京師浩穰奸宄百出  
非居恒強項有執者不日註也公此轉或考語中見  
處烏生一事號為強力乎矧官在甸都太舊轄不  
遠諸臺察諸司理聲息尚相及物論官評訪聞較  
易茲尤一便利事願決策早赴無有前郤袒虞猥  
循襲非一朝夕從今體統規模却宜另議詰慝

剔蠹全賴神采似必於上事前後打出一番精神  
酌為款日呈明巡視衙門懇其特為嚴飭奉而行  
之乃可一新觀聽耳惟高明努力損貺敢不拜賜  
伏枕占謝空城惶恐

與顧憲副襟宇

曩游長安猶獲與丈數通聞問今雲萍萬里矣瞻  
慕可知林居閭寡每思風波起時忌者相與含血  
噴我而劉濟滄大諫獨昌言夫夫廉潔士也吾得  
諸吾霸州使君云昔賢蓋言之世但有一人知我

我以不恨信公道如白日弟即長擯菰蘆中怡然  
安之矣幾謀因風寄訊一舒耿耿而今求平千戶  
王九思吝還自征播來見弟若將回衛緣而寓此  
王穎人故將家子少嘗為小吏事弟後以事隸尺  
籍然善擊智業用倭功得此官頃播事又獲功矣  
實櫻鋒犯難脫萬死易一生非例它人借資擡級  
吝且其所收養家丁可三十人皆健勇足以相死  
故所向而克也丈勲名位望日隆以峻計望建鉞  
開府眉睫間事耳倘推恩用此人備緩急令更得  
當虜其必能出死力報府主無疑不揣以名聞惟  
賜財擇甚幸折衝良苦慎旃加愛

與馮吳江起衡

日獲里履慕高山之仰慰忤可知晤對時所談逋  
租諸貧氓絕不知何許人也偶緣其乞哀庭中不  
揣為微恩幾以奉揚仁聞而慈君轉圜聽之立散  
之歸畊蓋不肖抵家可月餘客從松陵來有嘖嘖  
傳誦者而後有以知老父母之於芻蕘誤采也傾  
益不相疑榮幸無比會令林督學公見過扶病占

此聊以志感不煩批荅

季男源文百拜謹輯

書